

Sarajevo, 02.03.2021. godine

Na osnovu člana 69. stav (2) tačka d) Zakona o javnim nabavkama i člana 70. stav 1. 4. i 6. Zakona o javnim nabavkama („Službeni glasnik BiH“ br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj 123/20 od 28.01.2021.godine, u postupku javne nabavke roba br. 123/20 -„Rezervni dijelovi za dekantere i trakaste ugušivače“ donosi se :

## O D L U K A

o poništenju postupka javne nabavke

### Član 1.

Poništava se postupak javne nabavke broj 123/20 za nabavku roba: „Rezervni dijelovi za dekantere i trakaste ugušivače“ iz razloga što da nijedna od primljenih ponuda nije prihvatljiva a sve u skladu sa odredbama člana 69. stav (2) tačka d) Zakona o javnim nabavkama.

### Član 2.

Ova odluka objavit će se na web stanici: [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

## O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 123/20 od 20.11.2020. godine. Procijenjena vrijednost javne nabavke bez PDV-a iznosi: 60.000,00 KM. Javna nabavka je provedena putem otvorenog postupka.

Obavještenje o nabavci broj 247-1-1-213-3-351/20 je objavljeno na Portalu javnih nabavki dana 10.12.2020 godine a sažetak Obavještenja o nabavci je objavljen u „Službenom glasniku BiH“ br. 80 od 11.12.2020 godine, Ispravka za obavještenje o nabavci je objavljena na Portal javnih nabavki dana: 14.12.2020 godine a sažetak Ispravke za obavještenje o nabavci je objavljen u „Službenom glasniku BiH“ br. 82 od 18.12.2020 godine.

Komisija za javnu nabavku je imenovana Rješenjem br. 50/20-1 od 25.06.2020. godine i Rješenjem br. 123/20-1 od 20.11.2020 godine.

Komisija za javnu nabavku je dana: 12.02.2021 godine, dostavila Zapisnik komisije o pregledu i ocjeni ponuda br. 123/20 od 28.01.2021 godine i Preporuku o poništenju postupka javne nabavke broj 123/20 od 28.01.2021 godine.

U Zapisniku o pregledu i ocjeni ponuda konstatovano je sljedeće:

Komisija konstatuje da je na osnovu Obavještenja o nabavci br. 247-1-1-213-3-351/20 od 10. 12. 2020 godine i ispravke za obavještenje o nabavci broj: 247-1-1-213-8-354/20 od 14. 12. 2020 godine proveden postupak javne nabavke putem otvorenog postupka te je izvršeno javno otvaranje ponuda dana: 12. 01. 2021 godine u 13:25 sati, a što je konstatovano zapisnikom sa otvaranja ponuda br. 123/20.

Za predmetnu javnu nabavku dostavljena je jedna (1) ponuda ponuđača:

1. Ponuđač: „TECHNING“ d.o.o. Sarajevo

Navedeni ponuđač je preuzeo tendersku dokumentaciju sa Portala javnih nabavki i samim tim ostvario pravo učešća u postupku.

Dostavljanje zapisnika sa otvaranja ponuda izvršeno je prema ponuđaču u zakonskom roku. Nakon izvršenog otvaranja ponuda Komisija je dana: 13. 01. 2021 godine pristupila pregledu i ocjeni pristigle ponude u formalnom smislu: oblika ponuda (numeracija, uvezivanje i dr.), cjelovitosti odnosno potpunosti ponuda.

Komisija je utvrdila da dostavljena ponuda ponuđača „TECHNING“ d.o.o. Sarajevo ispunjava zahtjevane tenderske uslove prema obliku i potpunosti u smislu pripreme ponude.

Pregledom ponude koja je zadovoljila uslove u formalnom smislu, Komisija je pristupila analizi dokumentacije priložene uz ponudu u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R br.	Zahtjevana kvalifikaciona dokumentacija	Ponuđač „TECHNING“ d.o.o. Sarajevo
1.	<b>Tačka: 13 TD:</b> Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3.	Nije u skladu sa zahtjevima iz TD
2.	<b>Tačka: 14.1. TD:</b> Izjava o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V; Prilog 4.	Nije u skladu sa zahtjevima iz TD
2.1	<b>Tačka: 14.1. TD:</b> Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude	NE
3.	<b>Tačka 14.3 TD:</b> Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA

Pregledom ponude ponuđača „TECHNING“ d.o.o. Sarajevo Komisija je konstatovala da je navedeni ponuđač u ponudi dostavio Izvještaj o računima poslovnog subjekta a isti je propustio da dostavi Potvrdu banke o aktivnosti transakcijskog računa koja nije starija od tri mjeseca računajući od dana dostavljanja ponude, a što je ponuđač bio obavezan da u ponudi i dostavi.

Tačkom 14.1 tenderske dokumentacije „Ekonomska i finansijska sposobnost“ definisano je sljedeće:

Ponuđač je dužan u svrhu dokazivanja ekonomske i finansijske sposobnosti ispuniti sljedeće minimalne uslove:

- a) da ima aktivan transakcijski račun

U svrhu dokazivanja gore navedenih uslova potrebno je dostaviti sljedeće dokumente:

- a) Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude

U svrhu dokazivanja uslova iz člana 47. ZJN tačka a) ponuđač je dužan dostaviti Izjavu popunjenu i ovjerenu od strane ponuđača, a koja je sastavni dio tenderske dokumentacije (Aneks V, Prilog 4.) i obične kopije zahtjevane dokumentacije. Izjava ne smije biti starija od **30 dana od dana predaje ponude.**

Ukoliko ponudu dostavlja grupa ponuđača, uslov iz ove tačke ponuđači mogu da ispune zajednički, te i dokumente koji se traže u okviru ove tačke ponuđači mogu dostaviti zajednički.

#### Napomena:

Dokument pod tačkom a) **u ponudi se dostavlja kao obična kopija, zajedno sa izjavom ponuđača.** Izabrani ponuđač dužan je u roku od 7 dana od dana prijema odluke o dodjeli ugovora dostaviti original ili ovjerenu kopiju (Sud, Opština ili notar) dokumenta navedenog pod tačkom a). Dokument koji izabrani ponuđač dostavlja, u skladu sa članom 72. stav (3) tačka a) Zakona o javnim nabavkama, ne smije biti stariji od tri mjeseca. Ukoliko ponuđač odmah u ponudi dostavi original ili ovjerenu kopiju (Sud, Opština ili notar) dokumenta navedenog u tački a), takav ponuđač, ukoliko u ovom postupku nabavke bude izabran kao najpovoljniji, nije u obavezi ponovo dostavljati ovaj dokument.

Ukoliko traženi dokumenti kojim se dokazuje ekonomska i finansijska sposobnost ne budu dostavljeni u obliku, formi i prema uslovima definisanim u okviru ove tačke tenderske dokumentacije, ponuda će biti odbačena kao neprihvatljiva.

**Dokaze o ispunjavanju uslova izabrani ponuđač je dužan dostaviti na protokol ugovornog organa na adresi Terezija br. 38. (soba 20, I sprat). Dokazi koje dostavlja izabrani ponuđač moraju biti originali ili ovjerene kopije (Sud, Opština ili notar), a isti ne mogu biti stariji od tri mjeseca, računajući od dana predaje ponude.**

**Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 47. Zakona.**

Također, daljim pregledom ponude ponuđača konstatovano je da ponuđač u dostavljenim dokumentima: Izjava o ispunjenosti uslova iz člana 45. stav (1) tačkama od a) do d) Zakona o javnim nabavkama – Aneks IV; Prilog 3., je ovjerena od strane opštine i potpisana od strane podnosioca izjave ali isti je propustio da upiše datum davanja izjave na način i u formi koji propisuje Agencija za javne nabavke i Uputstva za pripremu modela tenderske dokumentacije i ponuda („Sl. glasnik BiH“, broj 90/14, 20/15) kao i aneksima tenderske dokumentacije.

Komisija konstatuje da ponuđaču nedostaju podaci na samoj Izjavi kako je traženo u navedenom obrascu i to datum davanja izjave što je suprotno odredbama Zakona o javnim nabavkama, podzakonskim aktima i uslovima iz tenderske dokumentacije koja sadrži navedene obrasce sa traženim podacima.

Takoder, ponuđač je isti propust izvršio i u Izjavi o ispunjenosti uslova iz člana 47. ZJN.

Komisija navodi i Rješenja URŽ-a br. JN2-01-07-1-465-9/18 od 13. 9. 2018 godine i JN2-01-07-1-656-8/18 od 12. 01. 2019 godine u kojima je u ovakvim slučajevima ponude smatrao neprihvatljivim.

Shodno gore navedenom, ponuda ponuđača „TECHNING“ d.o.o. Sarajevo ne ispunjava zahtjeve Ugovornog organa koji su traženi tenderskom dokumentacijom, te se ista u skladu sa odredbama člana 68. stav (4) pod i) Zakona o javnim nabavkama odbacuje kao neprihvatljiva i ista nije predmet daljeg razmatranja.

Polazeći od gore navedene konstatacije i činjenice da za predmetnu nabavku nijedna od primljenih ponuda nije prihvatljiva, Komisija je utvrdila da su ispunjeni uslovi iz člana 69. stav 2. tačka d) ZJN za poništenje postupka javne nabavke, te je dala preporuku Ugovornom organu – ovlaštenom licu ugovornog organa da za predmetnu nabavku roba: „**Rezervni dijelovi za dekantere i trakaste ugušivače**“ – tender broj 123/20 donese odluku o poništenju postupka javne nabavke.

Iz gore navedenih razloga, primjenom člana 69. stav (2) tačka d) Zakona o javnim nabavkama („Službeni glasnik BiH“ br. 39/14), donesena je Odluka o poništenju postupka kao u članu 1. ove odluke.

#### **Pouka o pravnom lijeku:**

Protiv ove odluke može se izjaviti žalba Uredu za razmatranje žalbi Bosne i Hercegovine putem ugovornog organa u pisanoj formi u tri primjerka neposredno, elektronskim putem ili preporučenom poštanskom pošiljkom najkasnije u roku do deset dana od dana donošenja ove odluke.

Dostaviti:

- ponuđač

-a/a



v.d. Direktor

*Aida Pendek*  
Aida Pendek, dipl.ing.građ.